

MISSÆ PROPRIÆ
ARCHIDIOECESIS
MONACENSIS ET FRISINGENSIS

FESTA DECEMBRIS

Die 4 Decembris
S. Barbaræ Virg. et Mart.
Duplex

**Missa Loquébar, de Communi Vir-
 ginum 1 loco.**

**Et fit Commemoratio S. Petri Chry-
 sologi Ep., Conf. et Eccl. Doct., ut
 in Missali hac die, et dicitur Credo,
 ratione ejusdem S. Doctoris.**

Deinde Commemoratio Feriæ.

Die 8 Decembris

**In Conceptione Immaculata
 B. Mariæ Virg.**

**Titularis Ecclesiæ Metropolitanæ
 Duplex I cl. cum Octava communi
 Omnia ut in Missali hac die, etiam
 per Octavam.**

Die 19 Decembris

**S. Adelaidis Imperatricis, Viduæ
 Semiduplex**

**Missa Cognóvi, de Communi non
 Virginum 2 loco.**

**Et fit Commemoratio Feriæ, ac
 dicitur 3^a Oratio de sancta Maria
 Deus, qui de beátæ.**

FESTA JANUARIJ

Die 8 Januarii

**Pro Commemoratione
 S. Erhardi Episcopi et Confessoris
 Orationes ex Missa Státuit, de
 Communi Confessoris Pontificis
 1 loco.**

Die 19 Januarii
S. Severini Abbatis

Duplex

Introitus

Ps. 36, 30-31



s justi meditabitur sapi-
entiam, et lingua
ejus loquetur judi-
cium: lex Dei ejus
in corde ipsius. Ps.

ibid., 1 Noli æmulari

in malignantibus: neque zelaveris
facientes iniquitatem.

℣. Glória Patri.

Oratio

Deus, qui in Sanctis habitas et
pia corda non deseris: libera
nos per intercessionem beati Seve-
rini a terrenis desideriis et cupidi-
tate carnali; ut tibi, soli Domino,
liberis mentibus serviamus. Per
Dominum.

Et fit Commemoratio Ss. Marii,
Marthæ, Audifacis et Abachum Mm.:

Oratio

Exaudi, Domine, populum tuum
cum Sanctorum tuorum patro-
cinio supplicantem: ut et tempo-
ralis vitæ nos tribuas pace gaudere;
et æternæ reperire subsidium.
(Per Dominum.)

Deinde Commemoratio S. Canuti
Regis, Mart.:

Oratio

Deus, qui ad illustrandam Ecclé-
siam tuam, beatum Canutum
regem martyrii palma et gloriosis
miraculis decorare dignatus es: con-
cede propitius; ut, sicut ipse Domi-
nicæ passionis imitator fuit, ita nos,
per ejus vestigia gradientes, ad gau-
dia sempiterna pervenire mereamur.
Per eundem Dominum.

Lectio libri Sapiéntiæ

Eccli. 45, 1-6

Dilèctus Deo et hominibus, cu-
jus memòria in benedictiòne
est. Símilem illum fecit in glòria
sanctorum, et magnificavit eum in
timóre inimicòrum, et in verbis suis
monstra placavit. Glorificavit illum
in conspèctu regum, et jussit illi
coram pòpulo suo, et osténdit illi
glòriam suam. In fide et lenitate
ipsius, sanctum fecit illum, et elégit
eum ex omni carne. Audívit enim
eum, et vocem ipsius, et indúxit il-
lum in nubem. Et dedit illi coram
præcepta, et legem vitæ et disci-
plínæ.

Graduale Ps. 20, 4-5 Dómine,
prævenisti eum in benedictiònibus
dulcedinis: posuisti in cápite ejus
corónam de lapide pretioso. ℣. Vi-
tam pétiit a te, et tribuisti ei longi-
túdinem dièrum in sàeculum sàeculi.

Allelúja, allelúja. ℣. Ps. 91, 13 Jus-
tus ut palma florébit: sicut cedrus
Libani multiplicábitur. Allelúja.

Post Septuagesimam, omissis Al-
lelúja et Versu sequenti, dicitur

Tractus Ps. 111, 1-3 Beátus vir,
qui timet Dóminum: in mandátis
ejus cupit nimis. ℣. Potens in ter-
ra erit semen ejus: generatio rec-
torum benedicetur. ℣. Glória et
divitiæ in domo ejus: et justitia
ejus manet in sàeculum sàeculi.



Sequéntia sancti Evangélii se-
cúndum Lucam

Luc. 12, 35-40

In illo tèmpe: Dixit Jesus dis-
cipulis suis: Sint lumbi vestri
præcincti, et lucernæ ardentes in
mánibus vestris, et vos símiles ho-
mínibus expectántibus dóminum

suum, quando revertatur a nuptiis: ut, cum venerit et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen, dico vobis, quod praecinget se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam, si sciret paterfamilias, qua hora fur veniret, vigilaret utique, et non sineret perfodi domum suam. Et vos estote parati, quia, qua hora non putatis, Filius hominis veniet.

Offertorium Ps. 20, 3 et 4 Desiderium animae ejus tribuisti ei, Domine, et voluntate labiorum ejus non fraudasti eum: posuisti in capite ejus coronam de lapide pretioso.

Secreta

Sacris altaribus, Domine, hostias superpositas sanctus Severinus Abbas, quaesumus, in salutem nobis provenire deponat. Per Dominum.

Pro Ss. Martyribus Secreta

Preces, Domine, tuorum respice oblationesque fidelium: ut et tibi gratæ sint pro tuorum festivitate Sanctorum, et nobis conferant tuæ propitiacionis auxilium. (Per Dominum.)

Pro S. Canuto Secreta

Accépta sit in conspectu tuo, Domine, nostra devotio: et ejus nobis fiat supplicacione salutaris, pro cujus sollemnitate defertur. Per Dominum.

Communio Luc. 12, 42 Fidelis servus et prudens, quem constituit dominus super familiam suam, ut det illis in tempore tritici mensuram.

Postcommunio

Protegat nos, Domine, cum tui perceptione sacramenti beatus Severinus Abbas, pro nobis intercedendo: ut et conversationis ejus experiamur insignia, et intercessionis percipiamus suffragia. Per Dominum nostrum.

Pro Ss. Martyribus

Postcommunio

Sanctorum tuorum, Domine, intercessione placatus: presta, quaesumus; ut, quæ temporali celebramus actione, perpetua salvacione capiamus. (Per Dominum.)

Pro S. Canuto Postcommunio

Refecti participatione muneris sacri, quaesumus, Domine, Deus noster: ut, cujus exsequimur cultum, intercedente beato Canuto Martyre tuo, sentiamus effectum. Per Dominum.

Die 28 Januarii

S. Valentini Ep. et Conf.

Semiduplex

Missa Stáruit, de Comuni Confessoris Pontificis 1 loco, præter Orationes sequentes:

Oratio

P

Propitiare, quaesumus, Domine, nobis famulis tuis per beati Valentini Confessoris tui atque Pontificis mérita gloriosa: ut, ejus pia intercessione, ab omnibus protegámur adversis. Per Dominum.

Et fit Commemoratio S. Agnetis Virg. et Mart. secundo:

Oratio

Deus, qui nos ánnua beatae Agnetis Virginitis et Martyris tuæ sollemnitate lætificas: da, quaesumus; ut, quam venerámur officio, étiam piæ conversationis sequámur exémplo. (Per Dominum.)

3^a **Oratio de sancta Maria** Deus, qui salútis.

Secreta

P

Sancti Valentíni Confessóris tui atque Pontíficis, quæsumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum nostrum.

Pro S. Agnete**Secreta**

Super has, quæsumus, Dómine, hóstias benedictio copiósa descéndat: quæ et sanctificatiónem nobis cleménte operétur, et de Mártyrum nos sollempnitáte lætíficet. (Per Dóminum.)

3^a **Secreta de sancta Maria** Tua, Dómine.

Postcommunio

P

Deus, fidélium remunerátor animárum, præsta: ut beáti Valentíni Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Pro S. Agnete **Postcommunio**

Súmpsimus, Dómine, celebritátis ánnuæ votíva sacraménta: præsta, quæsumus; ut et temporális vitæ nobis remédia præbeant et æternæ. (Per Dóminum.)

3^a **Postcommunio de sancta Maria**
Hæc nos.

FESTA FEBRUARII

Die 6 Februarii

Pro Commemoratione
S. Dorotheæ Virg. et Mart.

Oratio

P

Omnípotens sempitérne Deus, in cujus nómine gloriósa Virgo

et Martyr Doróthea multórum génera tormentórum superávit: te suppliciter exorámus; ut ejus intervéntu cuncta perícula vincámus, ipsámque in nostris necessitatibus célerem adjutricem sentiámus. Per Dóminum.

Secreta

C

Súscipe, Dómine, múnera, quæ in beátæ Dorótheæ Vírginis et Mártyris tuæ sollempnitáte deférimus: cujus nos confidimus patrocinio liberári. Per Dóminum.

Postcommunio

C

Auxiliéntur nobis, Dómine, sumpta mystéria: et, intercedénte beáta Doróthea Vírgine et Mártyre tua, sempitérna fáciant protectióne gaudere. Per Dóminum.

¶ **Sicubi dicenda sit Missa integra de S. Dorothea, sumatur Missa Loquébar, de Communi Virginum 1 loco, præter Orationem propriam, ut supra.**

Die 9 Februarii

S. Altonis Abbatis**Duplex**

Missa Os justí, de Communi Abbatum, præter Orationem sequentem:

Oratio

P

Concède, omnípotens Deus, fidélibus tuis digne sancti Altónis Confessóris celebráre sollempnia: ut, quæ devóte appetunt tuæ pietátis subsidia; ejus méritis et intercessióne consequántur. Per Dóminum.

Et fit Commemoratio S. Cyrilli Ep. Alexandrini, Conf. et Eccl. Doct. ut in Missali hac die:

Oratio

Deus, qui beátum Cyrillum Confessórem tuum atque Pontíficem divínæ maternitátis beatíssi-

mæ Vírginis Mariæ assertórem invíctum effecísti: concéde, ipso intercedénte; ut, qui vere eam Genetrícem Dei crédimus, matérna ejúsdem protectióne salvémur. (Per eúndem Dóminum.)

Deinde S. Apolloniæ Virg. et Mart.:

Oratio

Deus, qui inter cétera poténtiæ tuæ miracula étiam in sexu frágili victóriam mártýrii contulísti: concéde propítius; ut, qui beátæ Apollóniæ Vírginis et Mártýris tuæ natalícia cólimus, per ejus ad te exémpla gradiámur. Per Dóminum.

Dicitur Credo ratione S. Doctoris.

Secreta

C

Sacris altáribus, Dómine, hóstias superpósitas sanctus Alto Abbas, quæsumus, in salútem nobis proveníre depóscat. Per Dóminum.

Pro S. Cyrillo

Secreta

Múnera nostra, omnípotens Deus, benígnus réspice: et, intercedénte beáto Cyrillo, præsta; ut unigénitum tuum Jesum Christum, Dóminum nostrum in tua tecum glória coæténum, in córdibus nostris digne suscípere mereámur. (Qui tecum.)

Pro S. Apollonia

Secreta

Súscipe, Dómine, múnera, quæ in beátæ Apollóniæ Vírginis et Mártýris tuæ sollemnitáte deférimus: cujus nos confídimus patrocínio liberári. Per Dóminum.

Postcommunio

C

Próteget nos, Dómine, cum tui perceptióne sacraménti beátus Alto Abbas, pro nobis intercedéndo: ut et conversatiónis ejus experiámur insígnia, et intercessiúnis

percipiámus suffrágia. Per Dóminum nostrum.

Pro S. Cyrillo Postcommunio

Divínis, Dómine, refécti mystériis, te súpplíces deprecámur: ut, exémplis et méritis beáti Cyrilli Pontíficis adjúti, sanctíssimæ Genetríci Unigéniti tui digne famulári valeámus. (Qui tecum vivit.)

Pro S. Apollonia

Postcommunio

Auxiliéntur nobis, Dómine, sumpta mystéria: et, intercedénte beáta Apollónia Vírgine et Mártýre tua, sempitérna fáciant protectióne gaudére. Per Dóminum.

Die 25 Februarii

(in anno bissextili die 26 Februarii)

S. Walburgæ Virginis

Duplex

Missa Dilexísti, de Communi Virginum 3 loco, præter Orationes sequentes:

Oratio

P

Deus, qui inter innúmera grátiae tuæ dona étiam in sexu femíneo tua operáris magnália: concéde propítius; ut beátæ Walbúrgæ Vírginis tuæ apud misericórdiam tuam patrocínia sentiámus, cujus non solum castitátis illustrámur exémplis, verum étiam miraculórum glória jucundámur. Per Dóminum.

Et, in Quadragesima, fit Commemoratio Feriæ ac legitur ejus Evangelium in fine.

Secreta

P

Sacrificium oblátum, quæsumus, Dómine, beátæ Walbúrgæ Vírginis tuæ orátio majestáti tuæ reddat accéptum: pro cujus veneránda commemoratióne tibi devóto offerretur obséquio. Per Dóminum.

Postcommunio P

Benedictiónis tuæ, Dómine, grátiam intercedente beáta Walbúrga Vírgine tua cónsequi mereámur: ut, cujus venerándam glóriam prædicámus, ejus in ómnibus nostris necessitatibus auxiliúm sentiámus. Per Dóminum.

FESTA MARTII

Die 3 Martii

S. Cunigundis

Imperatricis, Virginis

Duplex

Introitus Ps. 44, 13 et 15-16



Vultum tuum deprecabúntur omnes dívites plebis: adducéntur Regi Vírgines post eam: próximæ ejus adducéntur tibi in lætítia et exsultatióne. (T. P. Allelúja, allelúja.)

Ps. *ibid.*, 2 Eructávit cor meum verbum bonum: dico ego ópera mea Regi. **V.** Glória Patri.

Oratio

Exáudi nos, Deus, salutáris noster: ut, sicut de beátæ Cunigúndis Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Et, in Quadragesima, fit Commemoratio Feriæ, ac legitur ejus Evangelium in fine.

Léctio Epístolæ beáti Pauli Apóstoli ad Corínthios

1 Cor. 7, 25-34

Fratres: De virgínibus præcéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existimo ergo hoc bo-

num esse propter instántem necessitátem, quóniam bonum est hómini sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit: tribulatiónem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut, et qui habent uxóres, tamquam non habéntes sint; et qui flent, tamquam non flentes; et qui gaudent, tamquam non gaudéntes; et qui emunt, tamquam non possidéntes; et qui utúntur hoc mundo, tamquam non utántur; præterit enim figúra hujus mundi. Volo autem vos sine sollicitúde esse. Qui sine uxóre est, sollicitus est, quæ Dómini sunt, quómodo pláceat Deo. Qui autem cum uxóre est, sollicitus est, quæ sunt mundi, quómodo pláceat uxóri, et divisus est. Et múlier innúpta, et virgo cógitat, quæ Dómini sunt, ut sit sancta corpore et spíritu: in Christo Jesu, Dómino nostro.

Graduale Ps. 44, 12 et 11 Concupívit Rex decórem tuum, quóniam ipse est Dóminus, Deus tuus. **V.** Audi, filia, et vide, et inclína aurem tuam.

Allelúja, allelúja. **V.** Hæc est Virgo sápiens, et una de número prudentum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 44, 12 Quia concupívit Rex spéciem tuam. **V. Ibid., 13 et 10** Vultum tuum deprecabúntur omnes dívites plebis: filiæ regum in honóre tuo. **V. Ibid., 15-16** Adducéntur Regi Vírgines post eam:

proximæ ejus afferentur tibi. **V.** Afferentur in lætitia et exultatione: adducentur in templum Regis.

Tempore Paschali omittitur Graduale, et ejus loco dicitur:

Allelúja, allelúja. **V.** Hæc est Virgo sapiens, et una de número prudentum. Allelúja. **V. Sap. 4, 1** O quam pulchra est casta generatio cum claritate! Allelúja.



Sequentia sancti Evangelii secundum Matthæum

Matth. 19, 3-12

In illo tempore: Accesserunt ad Jesum pharisæi, tentantes eum et dicentes: Si licet homini dimittere uxorem suam quacumque ex causa? Qui respondens, ait eis: Non legistis, quia, qui fecit hominem ab initio, masculum et feminam fecit eos? et dixit: Propter hoc dimittet homo patrem, et matrem, et adheret uxori suæ, et erunt duo in carne una. Itaque jam non sunt duo, sed una caro. Quod ergo Deus conjunxit, homo non separet. Dicunt illi: Quid ergo Moyses mandavit dare libellum repudi, et dimittere? Ait illis: Quoniam Moyses ad duritiam cordis vestri permisit vobis dimittere uxores vestras: ab initio autem non fuit sic. Dico autem vobis, quia, quicumque dimiserit uxorem suam, nisi ob fornicationem, et aliam duxerit, moechatur: et qui dimissam duxerit, moechatur. Dicunt ei discipuli ejus: Si ita est causa hominis cum uxore, non expedit nubere. Qui dixit illis: Non omnes capiunt verbum istud, sed quibus datum est. Sunt enim eunuchi, qui de matris utero sic nati sunt: et sunt eunuchi, qui facti sunt ab hominibus: et sunt

eunuchi, qui seipsos castraverunt propter regnum cælorum. Qui potest capere, capiat.

Offertorium Ps. 44, 15-16 Afferentur Regi Virgines post eam: proximæ ejus afferentur tibi in lætitia et exultatione: adducentur in templum Regi Domino. **(T. P. Allelúja)**

Secreta

Accépta tibi sit, Dómine, sacratæ plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dóminum.

Communio Matth. 13, 45-46 Simile est regnum cælorum homini negotiatori, quærenti bonas margaritas: inventa autem una pretiosa margarita, dedit omnia sua, et comparavit eam. **(T. P. Allelúja.)**

Postcommunio

Satiasti, Dómine, familiam tuam muneribus sacris: ejus, quæsumus, semper interventione nos refove, cujus sollémnia celebramus. Per Dóminum.

Die 14 Martii

S. Mathildis Viduæ

Duplex

Missa Cognóvi, de Comuni non Virginum 2 loco.

Et fit Commemoratio Feriæ, ac legitur ejus Evangelium in fine.

Die 15 Martii

S. Clementis Mariæ Hofbauer
Confessoris

Duplex majus

Missa Justus ut palma, de Comuni Conf. non Pont. 2 loco, præter Orationes sequentes:

Oratio

P

Deus, qui beátum Cleméntem Mariám miro fidei róbre et invíctæ constántiæ virtúte deco- rásti: ejus méritis et exémp- lis fac nos, quæsumus, ita fortes in fide et caritáte fervéntes; ut præmia con- sequámur æténa. Per Dóminum.

Et fit Commemoratio Feriæ ac legitur ejus Evangelium in fine.

Secreta

P

Ille nos, quæsumus, Dómine, de- votiónis ignis accéndat; quo beátus Clemens Mariá, dum salu- tárem offérret hóstiam, júgiter fla- grávit. Per Dóminum.

Postcommunio

P

Cælésti pane reféctis concéde nobis, omnipotens Deus: ut beáti Cleméntis exémplo, in forti- túdine cibi illius usque ad montem, qui Christus est, feliciter perveniámus: Qui tecum vivit.

Die 26 Martii

*Pro Commemoratione
S. Castuli Martyris*

*Orationes ex Missa In virtúte, de
Communi unius Martyris 3 loco.*

Die 27 Martii

S. Ruperti Ep. et Conf.

Duplex

Introitus

Eccli. 45, 30



Státuit ei Dóminus testa- méntum pacis, et prin- cipem fecit eum: ut sit illi sacerdotii dígnitas in æténum. (T. P. Allelúja, alle- lúja.) *Ps. 131, 1* Meménto, Dómine, David: et omnis mansuetúdinis ejus.

V. Glória Patri.

Oratio

Exáudi, quæsumus, Dómine, pre- ces nostras, quas in beáti Ru- pérti Confessoris tui atque Pontí- ficis sollemnitate deférimus: et, qui tibi digne mérui famulári, ejus in- tercedéntibus méritis, ab ómnibus nos absólve peccátis. Per Dóminum.

Et fit Commemoratio S. Joannis Damasceni Conf. et Eccl. Doct.:

Oratio

Omnípotens sempitérne Deus, qui, ad cultum sacrárum imá- ginum asseréndum, beátum Joán- nem cælésti doctrína et admirábili spíritus fortitúdine imbuísti: con- céde nobis ejus intercessióne et exémplo; ut, quorum cólimus imá- gines, virtútes imitémur et patroci- nia sentiámus. (Per Dóminum.)

Deinde, in Quadragesima, Com- memoratio Feriæ.

Léctio libri Sapiéntiæ

Eccli. 44, 16-27 et 45, 3-20

Ecce sacerdos magnus, qui in diébus suis plácuít Deo, et in- véntus est justus: et in témpore ira- cúndiæ factus est reconciliátio. Non est invéntus símilis illi, qui conser- vávít legem Excélsi. Ideo jureju- rando fecit illum Dóminus créscere in plebem suam. Benedictiónem ómnium géntium dedit illi, et testa- méntum suum confirmávít super caput ejus. Agnóvit eum in bene- dictiónibus suis: conservávít illi misericórdiam suam: et invénit grá- tiam coram óculis Dómini. Magni- ficávít eum in conspéctu regum: et dedit illi corónam glóriæ. Státuit illi testaméntum æténum, et dedit illi sacerdotium magnum: et beati- ficávít illum in glória. Fungi sacer- dotio, et habére laudem in nómine

ipsius, et offerre illi incensum dignum in odorem suavitatis.

Graduale Eccli. 44, 16 Ecce sacerdos magnus, qui in diebus suis placuit Deo. **V. Ibid., 20** Non est inventus similis illi, qui conservaret legem Excelsi.


Allelúja, allelúja. **V. Ps. 109, 4** Tu es sacerdos in ætérnum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generatio rectórum benedicétur. **V.** Glória et divítiae in domo ejus: et justítia ejus manet in sáeculum sáeculi.

Tempore Paschali omittitur Graduale, et ejus loco dicitur:

Allelúja, allelúja. **V. Ps. 109, 4** Tu es sacerdos in ætérnum, secúndum órđinem Melchisedech. Allelúja. **V.** Hic est sacerdos, quem coronávit Dóminus. Allelúja.

 **Sequéntia sancti Evangélij secúndum Matthæum**

Matth. 25, 14-23

In illo témpore: Dixit Jesus discipulis suis parábolam hanc: Homo péregre proficiscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuique secúndum própriam virtútem, et proféctus est statim. Abiit autem, qui quinque talénta accéperat, et operátus est in eis, et lucrátus est ália quinque. Simíliter et, qui duo accéperat, lucrátus est ália duo. Qui autem unum accéperat, ábiens fodit in

terram, et abscóndit pecúniám dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidisti mihi, ecce, ália quinque superlucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui. Accésit autem et qui duo talénta accéperat, et ait: Dómine, duo talénta tradidisti mihi, ecce, ália duo lucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui.

Et dicitur Credo, ratione S. Doctoris.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. **(T. P. Allelúja.)**

Secreta

Sancti Rupérti, Confessóris tui atque Pontíficis, quæsumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis offícia, et illum beáta retribútio comitétur, et nobis grátiae tuæ dona concíliet. Per Dóminum nostrum.

Pro S. Joanne

Secreta

Ut, quæ tibi, Dómine, offerimus, dona tuo sint digna conspéc-tu: beáti Joánnis et Sanctórum, quos ejus ópera expóritos in templis cólimus, pia suffragátio conspíret. **(Per Dóminum.)**

Deinde, in Quadragesima, Commemoratio Feriæ.

Communio Luc. 12, 42 **Fidélis servus et prudens, quem constituit dóminus super familiam suam: ut det illis in témpore trítici mensúram. (T. P. Allelúja.)**

Postcommunio P

Deus, fidélium remunerátor animárum: præsta; ut beáti Ruperíti Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Pro S. Joanne Postcommunio

Sumpta nos, quæsumus, Dómine, dona cælestibus armis tueántur: et beáti Joánnis patrocínia circúmdent Sanctórum unánimi suffrágio cumuláta; quorum imágines evícit in Ecclésia esse venerándas. (Per Dóminum.)

Deinde, in Quadragesima, Commemoratio Feriæ, ac legitur ejus Evangelium in fine.



FESTA APRILIS

Die 5 Aprilis

B. Crescentiæ Höss Virginis

Duplex

Missa Dilexisti, de Communi Virginum 3 loco, præter Orationes sequentes:

Oratio P

Deus, qui in beáta Crescéntia, Vírgine tua, christiánæ perfectiónis exéplum misericórditer tribuísti: præsta, quæsumus; ut, ejus imitatióni júgiter inhæréntes, glóriam consequámur ætérrnam. Per Dóminum.

Et fit Commemoratio S. Vincentii Ferrerii Conf.:

Oratio

Deus, qui Ecclésiam tuam beáti Vincéntii Confessóris tui méritis et prædicatióne illustráre dignátus es: concéde nobis fámulis tuis; ut et ipsíus instruámur exémpis et ab ómnibus ejus patrocínio liberémur advérsis. (Per Dóminum.)

Deinde, in Quadragesima, Commemoratio Feriæ.

Secreta P

Sacrificium, Dómine, quod offérimus, súscipe placátus: et, intercedénte beáta Crescéntia, quæ inter mundánas sordes immaculátum virginitátis florem custodívit, concéde; ut ómnia ópera nostra sint tibi sacrificium laudis in odórem suavitátis. Per Dóminum.

Pro S. Vincentio Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus et futúris. (Per Dóminum.)

Deinde, in Quadragesima, Commemoratio Feriæ.

Postcommunio P

Pretiósi Córporis et Sánguinis tui mystériis refécti, Dómine, precámur: ut, beátæ Crescéntiæ præclára virtútum exémpa sequéntes; ómnibus amótis perículis, ad te felíciter perveniámus: Qui vivis.

Pro S. Vincentio Postcommunio

Refécti cibo potúque cælesti, Deus noster, te súpplices exorámus: ut, in cujus hæc commemoratióne percépimus, ejus muniámur et précibus. (Per Dóminum.)

Deinde, in Quadragesima, Commemoratio Feriæ, ac legitur ejus Evangelium in fine.

Die 12 Aprilis

S. Zenonis Ep. et Mart.

Semiduplex

In Cathedrali Frisingensi:
Patronus minus principalis

Duplex majus

Temp. Pasch. Missa Protexísti, de Communi 1 loco, præter Orationes sequentes; extra Temp. Pasch. Missa Státuit, de Communi unius Martyris 1 loco, item præter Orationes sequentes:

Oratio

P

Deus, qui nos beáti Zenónis Mártyris tui atque Pontíficis ánnua sollemnitáte lætíficas: concéde propítius; ut, cujus natalícia cólimus, de ejúsdem étiam protec-tióne gaudeámus. Per Dóminum.

Et, in Quadragesima, fit Com-memoratio Feriæ, ac legitur ejus Ev-angelium in fine.

Secreta

P

Múnera tibi, Dómine, dicáta sanctífica: et, intercedénte beáto Zenóne Mártyre tuo atque Pontífice, per éadem nos placátus inténde. Per Dóminum.

Postcommunio

P

Hæc nos commúnio, Dómine, purget a crímine: et, intercedénte beáto Zenóne Mártyre tuo atque Pontífice, cæléstis remédii fáciat esse consórtes. Per Dómi-num nostrum.

Die 14 Aprilis

In Dedicacione

Ecclesiæ Metropolitanæ

Duplex I cl. cum Octava communi
extra Quadragesimam

Missa Terríbilis, de Communi De-dicacionis Ecclesiæ.

Et, in Missis privatis lectis tan-tum, fit Commemoratio S. Justini Mart., ut in Missali hac die; deinde, in Quadragesima, in omnibus Mis-sis Feriæ, ac legitur ejus Evange-lium in fine.

Diebus 15 et 16 Aprilis

Extra Quadragesimam

De diebus II et III infra Octavam
Dedicacionis Ecclesiæ Metrop.

Semiduplex

Missa Terríbilis, ut in Festo. 2^a
Oratio de S. Maria Concéde, 3^a con-tra persecutores Eccl. vel pro Papa.

Die 17 Aprilis

Extra Quadragesimam

De IV die infra Octavam
Dedicacionis Ecclesiæ Metrop.

Semiduplex

Missa Terríbilis, ut in Festo cum
Commemoracione S. Aniceti Papæ
et Mart., ut in Missali hac die, et 3^a
Oratione de sancta Maria Concéde.

Diebus 18-20 Aprilis

Extra Quadragesimam

De diebus V-VII infra Octavam
Dedicacionis Ecclesiæ Metrop.

Semiduplex

Missa Terríbilis, ut in Festo. 2^a
Oratio de S. Maria Concéde, 3^a con-tra persecutores Eccl. vel pro Papa.

Die 21 Aprilis

Extra Quadragesimam

In Octava Dedicacionis
Ecclesiæ Metropolitanæ

Duplex majus

Missa Terríbilis, ut in Festo cum
Commemoracione S. Anselmi Ep.,
Conf. et Eccl. Doct., ut in Missali
hac die.

Die 24 Aprilis

S. Georgii Martyris

Duplex majus

In Civit. Monacensi Duplex II cl.

Missa ut in Missali die 23 Aprilis cum Commemoratione S. Fidelis a Sigmaringa Martyris, ut in Missali hac die.

Die 27 Aprilis

S. Petri Canisii Conf. et Eccl. Doct.

Duplex II classis

Missa ut in Missali hac die.

FESTA MAJI

Sabbato primo mensis Maji

Beatae Mariæ Virginis
Patronæ Bavarie

Duplex I cl. cum Octava communi

¶ Juxta Rescr. S. R. C. Sollemnitatis externa hujus Festi quotannis peragitur in universa ditione Bavarica Dominica sequenti.

¶ In Missis votivis extra Tempus Paschale in Introitu atque in fine Offertorii et Communionis Allelúja omittitur.

Introitus

Sedulius



Salve, sancta Parens, eníxa puérpera Regem: qui cælum terrámque tenet per sæcula, cujus impérium sine fine manet. Allelúja, allelúja. Ps. 44, 2 Eructávit cor meum verbum bonum: dico ópera mea Regi. V. Glória Patri.

Oratio

Deus, qui dilécti Fílii tui Genetrícem nobis Matrem ac regni Patrónam dare dignátus es: con-

céde propítius; ut sub hujus Matris tutéla ab omni hóstium defendámur incúrsu, et sine timóre in sanctitáte et justítia tibi serviámus. Per eúndem Dóminum.

Léctio libri Sapiéntiæ

Eccli. 24, 14-16

Ab inítio et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Allelúja, allelúja. V. Virga Jesse flóruit, cujus flos non márcuit, vitæ dans odórem. Allelúja. V. Vellus rore máduit, quod Sacrum Flamen cómpluit, dum parit Salvatórem. Allelúja.

In Missis votivis extra Tempus Paschale

Graduale O florens rosa, Mater Dómini speciósa, o Virgo mitis, o fecundíssima vitis! V. Clárior aurórâ, pro nobis júgiter ora, ut simus digni supréma luce beári.

Allelúja, allelúja. V. Audi, filia régia, Parens paris néscia, et vide, quanta formæ splendes glória, quanta Regis viges grátia, qui creávit ómnia. Allelúja.

Post Septuagesimam, omissis Allelúja et Versu sequenti, dicitur

Tractus V. Stella micans prævia, regens nos per mária, ne nos mergant óbvia, te ducem osténde! V. In perénni gáudio, Virgo, Dei Fílio rosa juncta lílio, te Matrem ostén-

Sabbato primo mensis Maji

IN SOLEMNITATE B. MARLÆ VIRG. PATRONÆ BAVARIÆ

Duplex I classis

¶ **Extra Tempus Paschale omituntur Allelúja ad Introitum, Offertorium et Communionem.**

Introitus

GAUDEAMUS omnes in Dómino, Patrocínium celebrántes gloriósæ Virgínis Mariæ, de cujus solemnitate gaudent Angeli et collaudant Fílium Dei, allelúja, allelúja. **Ps. 43, 2** Deus, áuribus nostris audívimus: patres nostri annuntiáverunt nobis. **V. Glória Patri.**

Oratio

Deus, qui dilécti Fílii tui Genitricem nobis Matrem ac Patrónam dare dignátus es: concéde propítius; ut sub hujus Matris tutelá ab omni hóstium defendámur incúrsu, et sine timóre in sanctitate et justítia tibi serviámus. Per eúndem Dñm.

Léctio libri Apocalýpsis beáti Joánnis Apóstoli **12, 1, 5, 10 et 17**

Signum magnum appáruit in cælo: múlier amícta sole et luna sub pédibus ejus et in cápite ejus coróna stellárum duódecim. Et péperit fílium másculum, qui rectúrus erat omnes gentes in virga férrea, et raptus est fílius ejus ad Deum et ad thronum ejus. Et audivi vocem magnam in cælo dicentem: Nunc facta est salus et virtus

et regnum Dei nostri et potestas Christi ejus, quia projectus est accusator fratrum nostrorum, qui accusabat illos ante conspectum Dei nostri die ac nocte. Et iratus est draco in mulierem et abiit facere praelium cum reliquis de semine ejus, qui custodiunt mandata Dei et habent testimonium Jesu Christi.

Allelúja, allelúja. **V. Num. 17, 8** Virga Jesse flóruit: Virgo Deum et hóminem genuit: pacem Deus reddidit, in se reconcilians ima summis. Allelúja. **V. Luc. 1, 28** Ave, María, grátia plena; Dóminus tecum: benedicta tu in mulieribus. Allelúja.

Extra Tempus Paschale

Graduale Cant. 6, 3 et 9 Tota formósa et suávis es, filia Sion; pulchra ut luna, elécta ut sol, terribilis ut castrórum ácies ordináta. **V. Judith 13, 22** Benedixit te Dóminus in virtúte sua, quia per te ad nihilum redégit inimicos nostros.

Allelúja, allelúja. **V. Luc. 1, 28** Ave, María, grátia plena; Dóminus tecum: benedicta tu in mulieribus. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 44, 11 et 12 Audi, filia, et vide, et inclína aurem tuam: quia concupívit Rex spéciem tuam.

Ps. Ib., 13 et 10 Vultum tuum deprecabuntur omnes divites plebis: filiae regum in honore tuo. **Ps. Ib., 15-16** Adducuntur Regi virgines post eam: proximæ ejus afferentur tibi. **Ps.** Afferentur in lætitia et exultatione: adducuntur in templum Regis.

✠ Sequentia sancti Evangelii secundum Joannem **2, 1-11**

In illo tempore: Nuptiæ factæ sunt in Cana Galilææ: et erat Mater Jesu ibi. Vocatus est autem et Jesus, et discipuli ejus ad nuptias. Et deficiente vino, dicit Mater Jesu ad eum: Vinum non habent. Et dicit ei Jesus: Quid mihi et tibi est, mulier? nondum venit hora mea. Dicit Mater ejus ministris: Quodcumque dixerit vobis, facite. Erant autem ibi lapideæ hýdriæ sex positæ secundum purificationem Judæorum, capièntes singulæ metrétas binas vel ternas. Dicit eis Jesus: Impléte hýdrias aqua. Et impleverunt eas usque ad summum. Et dicit eis Jesus: Haurite nunc, et ferte architriclino. Et tulerunt. Ut autem gustavit architriclinus aquam vinum factam, et non sciébat unde esset, ministri autem sciébant, qui háuserant aquam: vocat sponsum architriclinus, et dicit ei: Omnis homo primum bonum vinum ponit: et cum inebriati fú-

rint, tunc id, quod detérius est. Tu autem servasti bonum vinum usque adhuc. Hoc fecit initium signórum Jesus in Cana Galilææ: et manifestavit glóriam suam, et crediderunt in eum discipuli ejus. **Credo.**

Offertorium Jerem. 18, 20 Recordare, Virgo Mater, in conspectu Dei, ut loquaris pro nobis bona, et ut avértat indignationem suam a nobis, allelúja.

Secreta

Præsta, quæsumus, omnipotens Deus: ut, precibus beátæ Mariæ semper Virginis, cujus Patrocínio gloriámur, fideles tui hostiam salutárem tibi fervéntius offerant, et consequántur efféctum. Per Dóminum nostrum.

Præfatio de B. Maria Virg. Et te in Festivitate.

Communio Cant. 2, 3 Sub umbra illius, quem desideráveram, sedi, et fructus ejus dulcis gútturi meo, allelúja.

Postcommunio

Cæléstibus pasti deliciis, te supplices deprecámur, Dómine, Deus noster: ut, beáta María semper Virgine protegente, ab erróribus sæculi carnisque illécebris serváti, et in fide inveniámur stábiles et in ópere effícaces. Per Dóminum.

Concordat cum Originali approbato. Imprimatur.

Monachii, die 24 Julii 1935

M. CARD. FAULHABER

J. Weissthanner, Secretarius

IMPRIMATUR.

Ratisbonæ, die 23 Septembris 1935

DR. HÖCHT

Vic. Gen.

de! **V.** O María régia, summi Regis Fília, reos reconcília, te mitem osténde!

 Sequéntia sancti Evangélii secúndum Joánnem

Joann. 2, 1-11

In illo témpore: Núptiæ factæ sunt in Cana Galiléæ, et erat Mater Jesu ibi. Vocátus est autem et Jesus, et discípli ejus ad núptias. Et deficiénte vino, dicit Mater Jesu ad eum: Vinum non habent. Et dicit ei Jesus: Quid mihi et tibi est, múlier? nondum venit hora mea. Dicit Mater ejus minístris: Quodcúmque díxerit vobis, fácite. Erant autem ibi lapídeæ hýdriæ sex pósitæ secúndum purificatióem Judæórum, capiéntes síngulæ metrétas binas vel ternas. Dicit eis Jesus: Impléte hýdrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Jesus in Cana Galiléæ: et manifestávit glóriam suam, et credidérunt in eum discípli ejus.

Credo, et dicitur per totam Octavam.

Offertorium Invioláta, íntegra et casta es, María, quæ es effécta fúlgida Regis porta. O Mater alma Christi caríssima, súscipe pia laudum precámina, nostra ut pura pec-

tora sint et córpora. Quæ nunc flágitant devóta corda et ora, tu da per precáta dulcísona nobis, perpétua frui vita: o benígna, quæ sola invioláta permansísti. Allelúja.

Secreta

Præsta, quæsumus, omnípotens Deus: ut fidéles tui, qui beátam Mariám semper Vírginem peculiári título pia devotióne venerántur, talis ac tantæ Patrónæ intercessióne, salutárem hóstiam tibi fervéntius ófferant, tuámque propitiatióem facílius obtíneant. Per Dóminum.

Præfatio Et te in Festivitate.

Communio Sanctis obtíneas, Virgo, precátibus pacis præsídiu dulce diútinæ nobis atque beáti regni dona perénniter. Allelúja.

Postcommunio

Cæléstibus pasti delíciis, te súplices deprecámur, Dómine, Deus noster: ut, protegénte beáta María semper Vírgine, gloriosíssima regni nostri Patróna; ab erróribus sæculi carnisque illécebris serváti, et in fide inveniámur stábiles et in ópere effícaces. Per Dóminum nostrum.

¶ **Infra Octavam de ea fit Commemoratio, juxta Rubricas.**

In die Octava dicitur sub ritu duplici majori Missa ut in Festo.

Die 3 Maji

In Civitate Frisingensi tantum fit Commemoratio

S. Juvenalis Ep. et Conf.

Orationes ex Missa Státuit, de Communi Confessoris Pontificis 1 loco.

Die 4 Maji

Pro Commemoratione

S. Godehardi Ep. et Conf.

Oratio P

Deus, qui hodiernam diem in beati Godehardi Confessoris tui atque Pontificis festiuitate nobis honorabilem fecisti: presta, quaesumus; ut, cuius celebritate annua exultamus, ejus suffragiis adjuvemur. Per Dominum.

Secreta C

Sancti Godehardi Confessoris tui atque Pontificis, quaesumus, Domine, annua sollempnitas pietati tuae nos reddat acceptos: ut, per haec pie placationis officia, et illum beata retributio comitetur, et nobis gratiae tuae dona conciliet. Per Dominum.

Postcommunio C

Deus, fidelium remunerator animarum: presta; ut beati Godehardi Confessoris tui atque Pontificis, cuius venerandam celebramus festiuitatem, precibus indulgentiam consequamur. Per Dominum nostrum.

¶ Sicubi dicenda sit Missa integra de S. Godehardo, sumatur Missa Sacerdotes tui, de Communi 2 loco, praeter Orationem ut supra.

Die 5 Maji

Pro Commemoratione

S. Floriani Martyris

Oratio P

Deus, qui nos annua beati Floriani Martyris tui gloriosae passionis sollempnitate laetificas, solita pietatis tuae largitate concede benignus: ut, cuius honori celebrem triumphum pio amore veneramur in terris, societatis ejus laetitiam

adipisci, te largiente, mereamur in caelis. Per Dominum.

Secreta C (4)

Accpta sit in conspectu tuo, Domine, nostra devotio: et ejus nobis fiat supplicatione salutaris, pro cuius sollempnitate defertur. Per Dominum.

Postcommunio C (4)

Refecti participatione muneri sacri, quaesumus, Domine, Deus noster: ut, cuius exsequimur cultum, intercedente beato Floriano Martyre tuo, sentiamus effectum. Per Dominum.

¶ Sicubi dicenda sit Missa integra de S. Floriano, sumatur:

Tempore Paschali: Missa Protexisti, de Communi 1 loco, praeter Orationem ut supra.

Extra Tempus Paschale: Missa Laetabitur, de Communi unius Martyris 4 loco, praeter Evangelium Si quis venit, ex Missa Statuit, de eodem Communi 1 loco.

Die 11 Maji

S. Sigismundi Regis, Martyris, Patroni minus princ. Archidiocesis

Duplex majus

Missa Protexisti, de Communi Martyrum Temp. Paschali 1 loco cum Orationibus 3 loco positis.

Die 13 Maji

In Civitate Frisingensi:

S. Alexandri I Papae, Martyris, Patroni minus principalis, ac Ss. Eventii et Theoduli Mm.

Duplex majus

Missa Sancti tui, de Communi Martyrum Temp. Paschali 2 loco, praeter Orationes sequentes:

Oratio P

Præsta, quæsumus, omnipotens Deus: ut, qui sancti Alexandri, Mártyris tui atque Pontificis, et Sociórum ejus natalícia cólimus; a cunctis malis imminéntibus eórum intercessiónibus liberémur. Per Dóminum.

Secreta P

Super has hóstias, quæsumus, Dómine, benedictio copiósá descendat: quæ et sanctificatióem nobis cleménter operétur et de Sanctórum nos sollemnitate lætíficet. Per Dóminum.

Postcommunio P

Refécti participatióne múnieris sacri, quæsumus, Dómine, Deus noster: ut, cujus exséquimur cultum, intercedéntibus sanctis tuis Alexandro, Evéntio et Theodúlo, sentiámus efféctum. Per Dóminum.

Die 16 Maji

S. Joannis Nepomuceni **Mart.****Duplex majus****Introitus** Eccli. 51, 30

Dedit mihi Dóminus linguam mercédem meam: et in ipsa laudábo eum. (T. P. Allelúja, allelúja.)

Ps. 38, 2 Dixi: Custódiam vias meas, ut non delínquam in lingua mea.

V. Glória Patri.

Oratio

Deus, qui ob invíctum beáti Joannis sacramentále siléntium nova Ecclésiám tuam martýrii córona decorásti: da nobis, ejus intercessióne et exémplo, linguam caute custodíre; ac ómnia pótius mala, quam ánimæ detriméntum in hoc sæculo toleráre. Per Dóminum.

Et fit Commemoratio S. Ubaldi Ep. et Conf. (ut in Missali hac die):

Oratio

Auxílium tuum nobis, Dómine, quæsumus, placátus impénde: et, intercessióne beáti Ubaldi, Confessóris tui atque Pontificis, contra omnes diabóli nequítias dexteram super nos tuæ propitiatiónis exténde. Per Dóminum.

Léctio libri Sapiéntiæ

Eccli. 21, 26-31

Stultus a fenéstia respíciet in domum: vir autem erudítus foris stabit. Stultítia hóminis auscultáre per óstium: et prudens gravábitur contumélia. Lábía imprudentium stulta narrábunt: verba autem prudentium statéra ponderabúntur. In ore fatuórum cor illórum: et in corde sapiéntium os illórum. Dum maledícit ímpius diabolum, maledícit ipse ánimam suam. Susúrro coinquinábit ánimam suam, et in ómnibus odiétur: et, qui cum eo mánserit, odiósus erit: táctus et sensátus honorábitur.

Tempore Paschali:

Allelúja, allelúja. V. **Eccli. 25, 11** Beátus, qui lingua sua non est lapsus, et qui non servívit indignis se. Allelúja. V. **Prov. 10, 31** Lingua pravórum períbit: lingua autem sapiéntium est sánitas. Allelúja.

Per annum:

Graduale Prov. 11, 13 Qui ámbulat fraudulénter, revélat arcána: qui autem fidélis est ánimi, celat. V. **Ps. 14, 1 et 3** Dómine, quis habitábit in tabernáculo tuo, aut quis requiescet in monte sancto tuo? Qui non egit dolum in lingua sua: nec fecit próximo suo malum.

Allelúja, allelúja. V. **Eccli. 25, 11**

Beátus, qui lingua sua non est lapsus, et qui non servívit indignis se. Allelúja.

Post Septuagesimam:

Tractus Jac. 1, 26; 3, 2 et 7-8 Si quis putat se religiósus esse, non refrénans linguam suam, sed sedúcens cor suum, hujus vana est religio. **V.** Si quis in verbo non oféndit, hic perféctus est vir. **V.** Omnis enim natúra bestiárum domántur, et dómita sunt a natúra humana: linguam autem nullus hóminum domáre potest.

 **Sequéntia sancti Evangélii secúndum Matthæum**

Matth. 11, 2-10

In illo témpore: Cum audísset Joánes in vínculis ópera Christi, mittens duos de discípulis suis, ait illi: Tu es, qui ventúrus es, an álium exspectámus? Et respóndens Jesus, ait illis: Eúntes renuntiáte Joánni, quæ audístis et vidístis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, cœpit Jesus dícere ad turbas de Joáne: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce, qui móllibus vestiúntur, in dómibus regum sunt. Sed quid exístis vidére? Prophétam? Etiam dico vobis, et plus quam Prophétam. Hic est enim, de quo scriptum est: Ecce, ego mitto Angelum meum ante fáciem tuam, qui præparábit viam tuam ante te.

Offertorium Eccli. 42, 1 Non dúplices sermónem de revelatióne

sermónis absconditi, et eris vere sine confusióne: et invénies grátiam in conspéctu ómnium hóminum. (T. P. Allelúja.)

Secreta

Hæc tua, Dómine, sacra mystéria illum in nobis, quæsumus, ignem accéndant: quo ínclitus Martyr et Sacérdos tuus Joánes, ea peragéndo, flagrábat. Per Dóminum nostrum.

Pro S. Ubaldo

Secreta

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Communio Isai. 6, 6-7 Volávit ad me unus de Séraphim: et in manu ejus cálculus, quem túlerat de altári, et tétigit os meum. (T. P. Allelúja.)

Postcommunio

Fragilitátem nostram, Dómine, cælestis hæc mensa fórtium pane confírmes: qui beáti Mártyris et Sacerdótis tui Joánnis tentátam contra honórem sacraménti constántiam, júgiter áluit ad victóriam. Per Dóminum.

Pro S. Ubaldo Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Ubaldo Confessóre tuo atque Pontífice, benefícia potióra sumámus. Per Dóminum.

FESTA JUNII

Die 5 Junii

S. Bonifatii Ep. et Mart.

Duplex II classis

Missa Exsultábo, ut in Missali hac die.

Die 16 Junii

**S. Bennonis Ep. et Conf.,
Patroni Bavariæ et Patroni prin-
cipalis Civitatis Archiepiscopalis
Duplex II classis**

**In Civitate Archiepiscopali:
Duplex I cl. cum Octava communi
Introitus Eccli. 45, 30**

Státuit ei Dóminus testa-
mémentum pacis, et prínci-
pem fecit eum: ut sit illi
sacerdótii dígnitas in æ-
térnum. (T. P. Allelúja, allelúja.)
Ps. 131, 1 Meménto, Dómine, Da-
vid: et omnis mansuetúdinis ejus.

V. Glória Patri.

Oratio

Deus, qui nos beáti Bennónis
Pontíficis confessióne glorió-
sa circúmdas et prótegis: da nobis
et ejus imitatióne profícere, et in-
tercessióne gaudére. Per Dómi-
num nostrum.

Léctio libri Sapiéntiæ
Eccli. 44, 16-27 et 45, 3-20

Ecce sacérdos magnus, qui in
diébus suis plácuít Deo, et in-
véntus est justus: et in témpore ira-
cúndiæ factus est reconciliátio. Non
est invéntus símilis illi, qui conser-
vávít legem Excélsi. Ideo jureju-
rándo fecit illum Dóminus créscere
in plebem suam. Benedictiónem
ómniúm géntiúm dedit illi, et testa-
mémentum suum confirmávít super
caput ejus. Agnóvit eum in bene-
dictiónibus suis: conservávít illi mi-
sericórdiam suam: et invénit grá-
tiam coram óculis Dómini. Magni-
ficávít eum in conspéctu regum: et
dedit illi corónam glóriæ. Státuit
illi testaméntum ætérnum, et dedit

illi sacerdótium magnum: et beati-
ficávít illum in glória. Fungi sacer-
dótio, et habére laudem in nómine
ipsíus, et offérre illi incénsus dig-
num in odórem suavitátis.

Graduale Eccli. 44, 16 Ecce sa-
cérdos magnus, qui in diébus suis
plácuít Deo. **V. Ibid., 20** Non est
invéntus símilis illi, qui conservá-
ret legem Excélsi.

Allelúja, allelúja. **V. Ps. 109, 4** Tu
es sacérdos in ætérnum, secúndum
órdinem Melchisedech. Allelúja.

**In Missis votivis post Septuage-
simam, omissis Allelúja et Versu
sequenti, dicitur**

Tractus Ps. 111, 1-3 Beátus vir,
qui timet Dóminum: in mandátis
ejus cupit nimis. **V.** Potens in terra
erit semen ejus: generátio rectó-
rum benedicétur. **V.** Glória et di-
vítiae in domo ejus: et justítia ejus
manet in sáculum sáculi.

**In Missis votivis Tempore Pas-
chali dicitur:**

Allelúja, allelúja. **V. Ps. 109, 4** Tu
es sacérdos in ætérnum, secúndum
órdinem Melchisedech. Allelúja. **V.**
Hic est sacérdos, quem coronávít
Dóminus. Allelúja.



Sequéntia sancti Evangélii se-
cúndum Mattháeum

Matth. 25, 14-23

In illo témpore: Dixit Jesus dis-
cípulis suis parábolam hanc:
Homo péregre profíciscens, vocá-
vit servos suos, et trádidit illis bo-
na sua. Et uni dedit quinque ta-
lénta, álii autem duo, álii vero
unum, unicuique secúndum pró-
priam virtútem, et proféctus est
statim. Abiit autem, qui quinque
talénta accéperat, et operátus est

in eis, et lucratus est alia quinque. Similiter et, qui duo acceperat, lucratus est alia duo. Qui autem unum acceperat, abiens fodit in terram, et abscondit pecuniam domini sui. Post multum vero temporis venit dominus servorum illorum, et posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce, alia quinque superlucratus sum. Ait illi dominus ejus: Euge, serve bone et fidelis, quia super pauca fuisti fidelis, super multa te constituam: intra in gaudium domini tui. Accessit autem et qui duo talenta acceperat, et ait: Domine, duo talenta tradidisti mihi, ecce, alia duo lucratus sum. Ait illi dominus ejus: Euge, serve bone et fidelis, quia super pauca fuisti fidelis, super multa te constituam: intra in gaudium domini tui.

Et dicitur Credo, in Civit. Archiepisc. etiam per totam Octavam.

Offertorium Ps. 88, 21-22 Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum. (T. P. Allelúja.)

Secreta

Sanctus tuus, quæsumus, Domine, Benno Confessor et Pontifex nos ubique lætificet: ut, dum ejus recolumus mérita gloriósa, apud te semper ejus patrocínia sentiámus. Per Dóminum.

Communio Luc. 12, 42 Fidelis servus et prudens, quem constituit dominus super familiam suam: ut det illis in tempore tritici mensuram. (T. P. Allelúja.)

Postcommunio

Quæsumus, Domine, salutáribus repléti mystériis: ut sancti tui Bennónis Confessoris et Pontificis, cujus sollémnia celebrámus, étiam intercessióne adjuvémur. Per Dóminum.

Die 17 Junii

In Civitate Archiepiscopali

De II die infra Octavam S. Bennonis Ep. et Conf.

Semiduplex

Missa ut in Festo.

Diebus 18 et 19 Junii

In Civitate Archiepiscopali: Commemoratio Octavæ S. Bennonis Ep. et Conf., juxta Rubricas.

Die 20 Junii

In Civitate Archiepiscopali

De V die infra Octavam S. Bennonis Ep. et Conf.

Semiduplex

Missa ut in Festo, cum Commemoratione S. Silverii Papæ et Mart., ex Missa Stáruit, de Comuni unius Martyris 1 loco.

Diebus 21 et 22 Junii

In Civitate Archiepiscopali: Commemoratio Octavæ S. Bennonis Ep. et Conf., juxta Rubricas.

Die 23 Junii

In Civitate Archiepiscopali:

In Octava S. Bennonis Ep. et Conf.

Duplex majus

Missa ut in Festo cum Commemoratione Vigilæ S. Joannis Bapt., et legitur ejus Evangelium in fine.



FESTA JULII

Die 4 Julii

S. Udalrici Ep. et Conf.

Duplex

Missa Státuit, de Communi Confessoris Pontificis 1 loco, præter Orationes sequentes:

Oratio

P

Deus, qui nos beáti Udalrici Confessoris tui atque Pontificis, ánnua sollemnitate lætíficas: concéde propítius; ut ejus méritis et intercessióne a peccatórum nostrórum periculis liberémur, et ætérnis gáudiis pérfrui mereámur. Per Dóminum.

Et fit Com. Octavæ Ss. Petri et Pauli App. (ut in Missali hac die):

Oratio

Deus, qui hodiérnam diem Apostolorum tuórum Petri et Pauli martyrio consecrásti: da Ecclésiæ tuæ, eórum in ómnibus sequi præceptum; per quos religiónis sumpsit exórdium. Per Dóminum.

Et dicitur Credo, ratione ejusdem Octavæ.

Secreta

P

Hæc múnera, quæsumus, Dómine, cleménte súscipe: et intercedénte beáto Udalrico Confessore tuo atque Pontífice, nobis salutária esse concéde. Per Dóminum nostrum.

Pro Ss. Petro et Paulo App.

Secreta

Hóstias, Dómine, quas nómini tuo sacrándas offérimus, apostólica prosequátur orátio: per quam nos expiári tríbuas et deféndi. Per Dóminum.

Præfatio de Apostolis.

Postcommunio P

Gustu salutáris hóstiæ recreáti, omnipoténtiam tuam, Dómine, suppliciter exorámus: ut, intercedéntibus sancti Udalrici Confessoris tui atque Pontificis méritis, nos intérius et extérius ab omni adversitate custódias. Per Dóminum.

Pro Ss. Petro et Paulo App.

Postcommunio

Quos cælésti, Dómine, aliménto satiásti: apostólicis intercessionibus ab omni adversitate custódi. Per Dóminum.

Die 8 Julii

S. Elisabeth Reginae, Viduæ

Duplex

Missa ut in Missali hac die.

Eadem die 8 Julii

Pro Commemoratione

Ss. Chilian Ep. et Sociorum Martyrum

Orationes ex Missa Sapiéntiam, de Communi plurimorum Martyrum 2 loco.

Die 9 Julii

S. Willibaldi Ep. et Conf.

Semiduplex

Introitus

Gaudeámus omnes in Dómino, diem festum celebrántes sub honóre sancti Willibáldi: de cujus sollemnitate gaudent Angeli, et coláudant Fílium Dei. **Ps. 91, 13** Justus ut palma florébit, sicut cedrus Líbani multiplicábitur in domo Dómini. **V.** Glória Patri.

Oratio


Deus, qui gloriósum Pontíficem tuum Willibáldum, Anglórum regni herédem, hodiérna die ad ætérnam Angelórum hereditátem transtulísti: concéde propítius; ut, ejus méritis et intercessióne coherédes ipsíus in tua glória esse mereámur. Per Dóminum.

Léctio Epístolæ beáti Pauli Apóstoli ad Hebræos **Hebr. 7, 23-27**

Fratres: Plures facti sunt sacerdotes, idcirco quod morte prohiberéntur permanére: Jesus autem, eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset póntifex, sanctus, innocens, impollútus, segregátus a peccatóribus, et excélsior cælis factus: qui non habet necessitátem cotidie, quemádmódum sacerdotes, prius pro suis delíctis hóstias offerre, deínde pro pópuli: hoc enim fecit semel, seípsum offeréndo, Jesus Christus, Dóminus noster.

Graduale Ps. 131, 16-17 Sacerdotes ejus índuam salutári: et sancti ejus exsultatióne exsultábunt. **V.** Illuc producám cornu David: parávi lucérnam Christo meo.

Allelúja, allelúja. **V. Ps. 109, 4** Jurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúja.

 Sequéntia sancti Evangélii secúndum Matthæum **Matth. 19, 27-29**

In illo témpore: Dixit Petrus ad Jesum: Ecce, nos reliquimus

ómnia, et secúti sumus te: quid ergo erit nobis? Jesus autem dixit illis: Amen, dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

Offertorium Ps. 88, 25 Véritas mea et misericórdia mea cum ipso: et in nómine meo exaltábitur cornu ejus.

Secreta

Hæc oblátio, Dómine Deus, nostri cordis óculos illústret: ut per beáti Willibáldi Confessóris tui atque Pontíficis, cujus natalícia cólimus, mérita te veráciter agnoscámus, et æternáliter vidére mereámur. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum.

Postcommunio

Sumpta sacraménta nos, Dómine, sanctíficent: ut per intercessiónem gloriósi Pontíficis tui Willibáldi, cujus hódie natalícia cólimus; ad gáudia vitæ cæléstis transíre valeámus. Per Dóminum.

Die 11 Julii

S. Ottonis **Ep. et Conf.**

Duplex

Introitus

Eccli. 45, 30



tátuit ei Dóminus testaméntum pacis, et príncipem fecit eum: ut sit illi sacerdotii dígnitas in

æternum. (T. P. Allelúja, allelúja.)
Ps. 131, 1 Meménto, Dómine, David:
 et omnis mansuetúdinis ejus.

V. Glória Patri.

Oratio

Da, quæsumus, omnípotens Deus: ut beáti Ottónis Confessoris tui atque Pontíficis veneranda sollémnitas, et devotióem nobis áugeat et salutem. Per Dóminum.

Et fit Commemoratio S. Pii I Papæ et Martyris:

Oratio

Infirmítatem nostram réspice, omnípotens Deus: et, quia pondus própriæ actiõnis gravat, beáti Pii Mátyris tui atque Pontíficis intercessiõ gloriõsa nos prótegat. Per Dóminum.

Léctio libri Sapiéntiæ

Eccli. 44, 16-27 et 45, 3-20

Ecce sacérdos magnus, qui in diébus suis plácuit Deo, et invéntus est justus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedictiõnem ómnium géntium dedit illi, et testaméntum suum confirmávit super caput ejus. Agnóvit eum in benedictiõnibus suis: conservávit illi misericórdiam suam: et invenit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus, et offerre illi incénsus dignum in odórem suavitátis.

Graduale Eccli. 44, 16 Ecce sacérdos magnus, qui in diébus suis plácuit Deo. **V. Ibid., 20** Non est invéntus símilis illi, qui conserváret legem Excélsi.

Allelúja, allelúja. **V. Ps. 109, 4** Tu es sacérdos in ætérnum, secúndum órduem Melchisedech. Allelúja.



Sequéntia sancti Evangélii secúndum Lucam

Luc. 11, 33-36

In illo témpore: Dixit Jesus discípulis suis: Nemo lucérnam accéndit, et in abscondito ponit, neque sub módio: sed supra candelábrum, ut, qui ingrediúntur, lumen vídeant. Lucérna córporis tui est óculus tuus. Si óculus tuus fúerit simplex, totum corpus tuum lícidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lícidum fúerit, non habens áliquam partem tenebrárum, erit lícidum totum, et sicut lucérna fulgóris illuminábit te.

Offertorium Ps. 88, 21-22 Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. (T. P. Allelúja.)

Secreta

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum.

Pro S. Pio

Secreta

Hóstias tibi, Dómine, beáti Pii Mátyris tui atque Pontíficis dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Communio Luc. 12, 42 Fidélis servus et prudens, quem constituit dominus super familiam suam: ut det illis in tempore tritici mensuram. (T. P. Allelúja.)

Postcommunio

Præsta, quæsumus, omnipotens Deus: ut, de percéptis muneribus grátias exhibéntes, intercedénte beáto Ottóne Confessóre tuo atque Pontífice, beneficia potióra sumámus. Per Dóminum.

Pro S. Pio Postcommunio

Refécti participatióne muneris sacri, quæsumus, Dómine, Deus noster: ut, cujus exséquimur cultum, intercedénte beáto Pio Mártyre tuo atque Pontífice, sentiámus efféctum. Per Dóminum.

Die 15 Julii

S. Henrici Imperatoris, Conf.

Duplex majus

Missa ut in Missali hac die.

Die 22 Julii

**Pro Commemoratione
S. Laurentii a Brundusio Conf.**

Oratio P

Deus, qui, ad árdua quæque pro nóminis tui glória et animárum salúte, beáto Lauréntio Confessóri tuo spíritum consílii et fortitúdinis contulísti: da nobis in eódem spíritu et agénda cognóscere; et cógnita, ejus intercessióne, perfícere. Per Dóminum.

Secreta P

Ad cæléste convívium fac nos, Deus, salutáribus pæniténtiæ lácrimis dignos accédere: quod

beáto Lauréntio vitæ candor suavíssimum efficiébat. Per Dóminum nostrum.

Postcommunio P

Divinitátis tuæ, Dómine, sempitérna fruitióne satiémur: quam beátus Lauréntius in sacro altáris mystério prægustábat. Per Dóminum nostrum.

Die 31 Julii

**Pro Commemoratione
S. Bathonis Confessoris**

Orationes ex Missa Os justi, de Communi Confessoris non Pontificis 1 loco.

FESTA AUGUSTI

Die 9 Augusti

S. Afræ Martyris

Duplex

Missa Me exspectavérunt, de Communi non Virginum 1 loco, præter Orationes sequentes:

Oratio P

Concède, miséricors Deus: ut beáta Afra, quæ martýrii promérui palmam; intercessiónibus suis et præsentis vitæ nobis remédia cónferat, et ætérrnam salútem. Per Dóminum.

Et fit Commemoratio Vigilæ S. Laurentii Mart. et S. Romani Mart., ut in Missali hac die.

Secreta P

Accipe, quæsumus, Dómine, múnera dignánter oblata: et beátæ Afræ, Mártyris tuæ, suffragántibus méritis, ad nostræ salútis auxiliúm proveníre concède. Per Dóminum nostrum.

Die 17 Julii

BEATÆ IRMENGARDIS VIRGINIS

Duplex

Introitus

Ps. 44, 8

Dilexisti justitiam, et odisti iniquitatem: propterea unxit te Deus, Deus tuus, oleo lætitiæ præ consortibus tuis. **Ps. ibid., 2** Eructavit cor meum verbum bonum: dico ego ópera mea Regi.

V. Glória Patri.

Oratio

Dómine Jesu, qui beátam Irmengárdem, Vírginem tuam, mundi delicias despícere et nómini tuo benedícere fecísti: præsta, quæsumus; ut ejus intercessióne ómnibus diébus vitæ nostræ tibi placeámus: Qui vivis.

Et fit Commemoratio S. Alexii Confessoris:

Oratio

Deus, qui nos beáti Aléxii Confessoris tui ánnua sollemnitáte lætíficas: concéde propítius; ut, cujus natalicia cólimus, étiam actiónes imitémur. Per Dóminum. Lécitio Epístolæ beáti Pauli Apóstoli ad Corínthios

2 Cor. 10, 17-18; 11, 1-2

Fratres: Qui gloriátur, in Dómino gloriétur. Non enim, qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ, sed et suppor-

táte me: æmulor enim vos Dei æmulatióne. Despóndi enim vos uni viro vírginem castam exhibére Christo.

Graduale Ps. 44, 5 Spécie tua et pulchritúde tua inténde, prospere procéde et regna. **V.** Propter veritatem et mansuetúdinem et justitiam: et dedúcet te mirabiliter dextera tua.

Allelúja, allelúja. **V. Ibid., 15 et 16** Adducéntur Regi Vírgines post eam: próximæ ejus afferéntur tibi in lætítia. Allelúja.



Sequéntia sancti Evangélii secúndum Matthæum

Matth. 25, 1-13

In illo témpore: Dixit Jesus discípulis suis parábolam hanc: Símile erit regnum cælórum decem virgínibus: quæ, accipiéntes lám-pades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes et dormiérunt. Média autem nocte clamor factus est: Ecce, sponsus venit, exíte óbviám ei. Tunc surrexérunt omnes vírgines

illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non suffíciat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, nésco vos. Vigiláte itaque, quia nescítis diem neque horam.

Offertorium Ps. 44, 10 Filiæ regum in honóre tuo, ástitit regína a dextris tuis in vestítu deauráto, circúmdata varietáte.

Secreta

Benedíctio tua, Dómine, larga descéndat, quæ, beátæ Vírginis Irmengárdis suffrágiis, múnere nostra tibi reddat accépta et nobis

sacraméntum redemptiónis perfíciat. Per Dóminum.

Pro S. Alexio

Secreta

Laudis tibi, Dómine, hóstias imolámus in tuórum commemoratióne Sanctórum: quibus nos et præsentibus éxui malis confídimus et futúris. Per Dóminum.

Communio Matth. 25, 4 et 6 Quinque prudéntes vírgines accepérunt óleum in vasis suis cum lampádis: média autem nocte clamor factus est: Ecce, sponsus venit: exíte óbviám Christo Dómino.

Postcommunio

Beátæ Irmengárdis précibus confísi: quæsumus, Dómine; ut per ea, quæ sumpsimus, æténa remédia capiámus. Per Dóminum.

Pro S. Alexio

Postcommunio

Refécti cibo potúque cælésti, Deus noster, te súpplices exorámus: ut, in cujus hæc commemoratióne percépimus, ejus muniámur et précibus. Per Dóminum.

Concordat cum Originali approbato ideoque imprimatur.

Monachii, die 7 m. Sept. 1929

M. Card. Faulhaber

Postcommunio P

Quæsumus, Dómine, Deus noster: ut sacrosáncta mystéria, quæ pro reparatiónis nostræ munimine contulisti; intercedente beáta Afra Mártire tua, et præsens nobis remédium esse fácias et futurum. Per Dóminum.

In fine legitur Evangelium Vigilæ.

Die 11 Augusti

S. Justini Presbyteri et Mart.

Duplex

Introitus

Ps. 63, 11

Lætábitur justus in Dómino, et sperábit in eo: et laudabúntur omnes recti corde. **Ps. ibid., 2** Exáudi, Deus, oratióem meam, cum deprecor: a timóre inimíci éripe ánimam meam. **V. Glória Patri.**

Oratio

Præsta, quæsumus, omnípotens Deus: ut, intercedente beáto Justíno Mártire tuo, et a cunctis adversitatibus liberémur in córpo-re, et a pravis cogitatióibus mundémur in mente. Per Dóminum.

Et fit Commemoratio Ss. Tiburtii et Susannæ Martyrum (ut in Missali hac die):

Oratio

Sanctórum Mátyrum tuórum Tibúrtii et Susánnæ nos, Dómine, fóveant continuáta præsidia: quia non désinis propítius intuéri; quos tálibus auxiliis concésseris adjuvári. Per Dóminum.

Léctio Epístolæ beáti Pauli Apóstoli ad Timótheum

2 Tim. 2, 8-10 et 3, 10-12

Caríssime: Memor esto, Dóminum Jesum Christum resur-

rexísse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Jesu, cum glória cælésti. Tu autem assecútus es meam doctrínam, institutióem, propósitum, fidem, longanimitátem, dilectiόem, paciéntiam, persecutiόes, passiόnes: quália mihi facta sunt Antiochíæ, Icónii et Lystris: quales persecutiόes sustínui, et ex ómnibus erípuit me Dóminus. Et omnes, qui pie volunt vívere in Christo Jesu, persecutiόem paciéntur.

Graduale Ps. 36, 24 Justus, cum cecíderit, non collidétur, quia Dóminus suppónit manum suam. **V. Ibid., 26** Tota die miserétur, et cómmodat: et semen ejus in benedictiόe erit.

Allelúja, allelúja. V. Joann. 8, 12 Qui séquitur me, non ámbulat in ténebris: sed habébit lumen vitæ æternæ. Allelúja.



Sequéntia sancti Evangélii secúndum Matthæum

Matth. 16, 24-27

In illo témpore: Dixit Jesus discipulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum unívèrsum lucrétur, ánimæ vero suæ detriméntum patiátur? Aut quam dabit homo commutatiόem pro ánima sua? Fílius enim hómínis

venturus est in gloria Patris sui cum Angelis suis: et tunc reddet unicuique secundum opera ejus.

Offertorium Ps. 20, 4-5 Posuisti Domine, in capite ejus coronam de lapide pretioso: vitam petiit a te, et tribuisti ei. (Alleluja.)

Secreta

Accépta sit in conspectu tuo, Domine, nostra devotio: et ejus nobis fiat supplicatione salutaris, pro cujus sollemnitate deferatur. Per Dominum.

Pro Ss. Tiburtio et Susanna Mm.

Secreta

Adésto, Domine, precibus populi tui, adésto munéribus: ut, quae sacris sunt oblata mysteriis, tuorum tibi placeant intercessione Sanctorum. Per Dominum.

Communio Joann. 12, 26 Qui mihi ministrat, me sequatur: et ubi sum ego, illic et minister meus erit.

Postcommunio

Refecti participatione muneris sacri, quæsumus, Domine, Deus noster: ut, cujus exsequimur cultum, intercedente beato Justino Martyre tuo, sentiamus effectum. Per Dominum.

Pro Ss. Tiburtio et Susanna Mm.

Postcommunio

Sumpsimus, Domine, pignus redemptionis aeternae: quod sit nobis, quæsumus, intervenientibus sanctis Martyribus tuis, vitae praesentis auxilium pariter et futurae. Per Dominum.

FESTA SEPTEMBRIS

Die 2 Septembris

S. Nonnosi Abbatis,

Patroni minus princ. Archidiocesis

Duplex majus

Introitus

Ps. 36, 30-31



Os justi meditabitur sapientiam, et lingua ejus loquetur iudicium: lex Dei ejus in corde ipsius. **Ps. ibid., 1** Noli æmulari in malignantibus: neque zelaveris facientes iniquitatem. **V.** Gloria Patri.

Oratio

Da nobis, aeternae consolationis Pater, per preces beati Nonnosi Abbatis pacem et salutem mentis et corporis: ut tuis tota dilectione inhæreamus praeceptis et, quae tibi placita sunt, tota virtute perficiamus. Per Dominum.

Et fit Commemoratio S. Stephani Regis, Conf.:

Oratio

Concède, quæsumus, Ecclesiae tuae, omnipotens Deus: ut beatum Stephanum Confessorem tuum, quem regnantem in terris propagatorem habuit, propugnatorem habere mereatur gloriosum in caelis. Per Dominum.

Lectio libri Sapientiae

Eccli. 45, 1-6

Dilèctus Deo et hominibus, cujus memoria in benedictione est. Similem illum fecit in gloria sanctorum, et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriam suam. In fide et lenitate ipsius sanctum fecit illum, et elé-

git eum ex omni carne. Audívit enim eum et vocem ipsíus, et in-dúxit illum in nubem. Et dedit illi coram præcépta, et legem vitæ et disciplínæ.

Graduale Ps. 20, 4-5 Dómine, prævenísti eum in benedictiónibus dulcédinis: posuísti in cápite ejus corónam de lápide pretiósó. **V.** Vitam pétiit a te, et tribuísti ei longitúdinem diérum in sæculum sæculi.

Allelúja, allelúja. **V. Ps. 91, 13** Justus ut palma florébit: sicut cedrus Líbani multiplicábitur. Allelúja.



Sequéntia sancti Evangélli se-cúndum Marcum

Marc. 11, 22-24

In illo témpore: Respóndens Jesus discípulis suis, ait illis: Habéte fidem Dei. Amen, dico vobis, quia, quicúmque díxerit huic monti: Tól- lere et míttre in mare, et non hæsi- táverit in corde suo, sed credíderit, quia, quodcúmque díxerit, fiat, fiet ei. Proptérea dico vobis: Omnia quæcúmque orántes pétitis, crédite quia accipiétis, et evénient vobis.

Offertorium Ps. 20, 3 et 4 Desidé- rium ánimæ ejus tribuísti ei, Dómi- ne, et voluntáte labiórur ejus non fraudásti eum: posuísti in cápite ejus corónam de lápide pretiósó.

Secreta

Sacris altáribus, Dómine, hóstias superpósitas sanctus Nonnósus Abbas, quæsumus, in salútem nobis proveníre depóscat. Per Dóminum.

Pro S. Stephano Secreta

Réspice, quas offérimus, hóstias, ut, qui passiónis Domínicæ mysté- ria celebrámus, imitémur quod ági- mus. Per eúndem Dóminum.

Communio Luc. 12, 42 Fidélis ser- vus et prudens, quem constituit dó- minus super familiam suam: ut det illis in témpore trítici mensúram.

Postcommunio

Prótegat nos, Dómine, cum tui perceptiõe sacraméti beátus Nonnósus Abbas, pro nobis inter- cedéndo: ut et conversatiõnis ejus experiámur insígnia, et intercessiõ- nis percipiámus suffrágia. Per Dó- minum nostrum.

Pro S. Stephano Postcommunio

Præsta, quæsumus, omnípotens Deus: ut beáti Stéphaní Con- fessóris tui fidem cóngua devotiõ- ne sectémur; qui, pro ejúsdem fidei dilatatiõe, de terréno regno ad cæ- léstis regni glóriam méruit perve- níre. Per Dóminum.

Die 6 Septembris

S. Magni Abbatis

Duplex

Missa Os justi, de Communi Ab- batum.

Die 9 Septembris

S. Corbiniani Ep. et Conf.,

Patroni principalis Archidioecesis

Duplex II classis

Missa Státuit, ut in Festo Trans- lationis ejusdem Sancti ut infra sub die 20 Nov. 29*, excepta Ora- tione sequenti:

Oratio

P

Deus, qui nos beáti Corbiniani Confessóris tui atque Pontí- ficis prædicatiõe et miráculis ad agnitiónem tui nóminis vocáre dig- nátus es: concéde propítius; ut, cu- jus sollémnia cólimus, étiam patro- cínia sentiámus. Per Dóminum.

In Missis privatis fit Commemoratio S. Gorgonii Martyris, ut in Missali hac die:

Oratio

Sanctus tuus, Dómine, Gorgónius sua nos intercessióne lætíficet: et pia fáciat sollemnitáte gaudére. Per Dóminum.

Pro S. Gorgonio Secreta

Grata tibi sit, Dómine, nostræ servitútis oblátio: pro qua sanctus Gorgónius Martyr intervéntor exsístat. Per Dóminum.

Pro S. Gorgonio Postcommunio

Famíliam tuam, Deus, suávitás æténa contíngat et végetet: quæ in Mártire tuo Gorgónio Christi, Fílii tui, bono júgiter odóre pascátur: Qui tecum.

Die 13 Septembris

S. Nothburgæ Virginis

Duplex

Missa Dilexísti, de Communi Virginum 3 loco, præter Orationes sequentes:

Oratio P

Præténde, Dómine, fidélibus tuis dèxteram cæléstis auxilií: ut méritis et exémplo beátæ Nothbúrgæ Vírginis te toto corde perquirant; et, quæ digne póstulant, cónsequi mereántur. Per Dóminum.

Secreta P

Cæléstem nobis præbeant hæc mystéria, quæsumus, Dómine, medicínam: et, intercedénte beáta Nothbúrga Vírgine tua, vítia nostri cordis expúrget. Per Dóminum.

Postcommunio P

Auxiliéntur nobis, Dómine, sump-ta mystéria: et, intercedénte beáta Nothbúrga Vírgine tua, sem-

pitérna protectióne confirment. Per Dóminum nostrum.

Die 18 Septembris

S. Lantperti Ep. et Conf.

Duplex

Missa Sacerdótes tui, de Communi Confessoris Pontificis 2 loco cum Commemoratione S. Josephi a Cupertino Conf., ut in Missali hac die.

Die 25 Septembris

S. Emmerami Ep. et Mart.

Semiduplex

Introitus Dan. 3, 84 et 87



Sacerdótes Dei, benedícite Dóminum: sancti et húmiles corde, laudáte Deum. **Ibid., 57** Benedícite, ómnia ópera Dómini, Dómino: laudáte et superexaltáte eum in sæcula. **V.** Glória Patri.

Oratio

Infirmítatem nostram réspice, om-nípotens Deus: et, quia pondus própriæ actiónis gravat, beáti Emmerámi Mártiris tui atque Pontíficis intercèssio gloriósa nos prótegat. Per Dóminum.

2ª Oratio A cunctis, 3ª ad libitum.

Léctio Epístolæ beáti Pauli Apóstoli ad Corínthios

2 Cor. 1, 3-7

Fratres: Benedíctus Deus et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra: ut possímus et ipsi consolári eos, qui in omni pressúra sunt, per exhortatióne, qua exhortámur et ipsi a Deo. Quóniam sicut abúndant passiónes Christi in nobis: ita et per

Christum abúndat consolátio nostra. Sive autem tribulámur pro vestra exhortatióne et salúte, sive consolámur pro vestra consolatióne, sive exhortámur pro vestra exhortatióne et salúte, quæ operátur tolerántiam earúndem passiónum, quas et nos pátimur: ut spes nostra firma sit pro vobis: sciéntes, quod, sicut sócii passiónum estis, sic éritis et consolatiónis: in Christo Jesu, Dómino nostro.

Graduale Ps. 8, 6-7 Glória et honóre coronásti eum. **V.** Et constituísti eum super ópera mánuum tuárum, Dómine.

Allelúja, allelúja. **V.** Hic est Sacerdos, quem coronávit Dóminus. Allelúja.



Sequéntia sancti Evangélii secúndum Lucam

Luc. 14, 26-33

In illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim ædificáre, non prius sedens cómputat sump-tus, qui necessarij sunt, si hábeat ad perficiéndum; ne, posteáquam posúerit fundaméntum, et non potúerit perfícere, omnes, qui vident, incípiant illúdere ei, dicéntes: Quia hic homo cœpit ædificáre, et non pótuit consummáre? Aut quis rex itúrus commíttere bellum advérsus álium regem, non sedens prius cógitat, si possit cum decem mílibus occúrrere ei, qui cum vigínti míli-

bus venit ad se? Alióquin, adhuc illo longe agénte, legatióne mittens, rogat ea, quæ pacis sunt. Sic ergo omnis ex vobis, qui non renúnciat ómnibus, quæ póssidet, non potest meus esse discipulus.

Offertorium Ps. 88, 21-22 Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

Hóstias tibi, Dómine beáti Emmerámi Mátyris tui atque Pontíficis dicátas méritis, benígnus assúme: et ad perpétuum nobis tribue proveníre subsidiúm. Per Dóminum nostrum.

Aliæ Secretæ ut supra.

Communio Ps. 20, 4 Posuísti, Dómine, in cápite ejus coronam de lápide pretióso.

Postcommunio

Refécti participatióne múnere sacri, quæsumus, Dómine, Deus noster: ut, cujus exséquimur cultum, intercedénte beáto Emmerámo Mátyre tuo atque Pontífice, sentiámus efféctum. Per Dóminum.

Aliæ Postcommuniones ut supra.

FESTA OCTOBRIS

Die 11 Octobris

In Ecclesiis consecratis Archidie-cesis, excepta Metropolitana:

In Dedicatióne propriæ Ecclesiæ Duplex I cl. cum Octava communi

Missa Terribilis, de Communi Dedicatiónis Ecclesiæ.

Infra Octavam fit Commemoratió Octavæ, juxta Rubricas, ac dicitur Credo, ratione ejusdem Octavæ.

Die 12 Octobris

S. Maximiliani Ep. et Mart.**Duplex**

Missa Sacerdotes Dei, de **Communi unius Martyris 2 loco, præter Evangelium Si quis venit, ex Missa Státuit, de eodem Communi 1 loco.**

Die 16 Octobris

S. Galli Abbatis**Duplex**

Missa Os justi, de **Communi Abbatum.**

Die 18 Octobris

In Ecclesiis consecratis Archidiœcesis, excepta Metropolitana:

S. Lucæ Evangelistæ

Ut in Corpore Missalis; et fit Commemoratio Diei Octavæ Dedicatio- nis Ecclesiæ propriæ.

Die 31 Octobris

S. Wolfgangi Ep. et Conf.**Duplex**

Missa Sacerdotes tui, de **Communi Confessoris Pontificis 2 loco, præter Orationem sequentem:**

Oratio P

Deus, qui nobis æternæ salutis beátum Wolfgangum Episcopum ministrum tribuisti: præsta, quæsumus; ut, quem doctorem vitæ habuimus in terris, intercessorem habere mereámur in cælis. Per Dóminum nostrum.

Et fit Commemoratio Vigilæ Omnium Sanctorum, ac legitur ejus **Evangelium in fine, ut in Missali hac die.**

Secreta C

Sancti Wolfgangi, Confessoris tui atque Pontificis, quæsumus, Dómine, ánnua sollémnitas pietáti

tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum nostrum.

Postcommunio C

Deus, fidélium remunerátor animárum, præsta: ut beáti Wolfgangi Confessoris tui atque Pontificis, cujus venerándam celebrámus festivitátem, précibus indulgéntiam consequámur. Per Dóminum.

FESTA NOVEMBRIS

Die 5 Novembris

Sacrarum Reliquiarum, quæ in Ecclesiis Archidiœcesis asservantur

Duplex majus

Missa Multæ tribulatiónes, **ut inter Festa pro aliquibus locis. Et fit Commemoratio Octavæ Omnium Sanctorum, ac dicitur Credo, ratione ejusdem Octavæ.**

Die 6 Novembris

S. Leonardi Abbatis**Duplex**

Missa Os justi, de **Communi Abbatum. Et fit Commemoratio Octavæ Omnium Sanctorum, ac dicitur Credo, ratione ejusdem Octavæ.**

Die 15 Novembris

Ss. Marini Ep. et Aniani Mm.**Duplex**

Missa Sapiéntiam, de **Communi plurimorum Martyrum 2 loco, præter Orationem sequentem:**

Oratio P

Magníficet te, Dómine, sanctorum tuorum Maríni et Aniani

beáta sollémnitas: qua et illis glóriam sempitérnam et opem nobis ineffábili providéntia contulísti. Per Dóminum nostrum.

Et fit Commemoratio S. Gertrudis Virginis (ut in Missali hac die):

Oratio

Deus, qui in corde beátæ Gertrúdis Vírginis jucúndam tibi mansiónem præparásti: ipsíus méritis et intercessióne; cordis nostri máculas cleménte abstérge, et ejúsdem tríbue gaudere consórtio. Per Dóminum.

Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre Justórum, et nobis salutária, te miseránte, reddántur. Per Dóminum.

Pro S. Gertrude Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Postcommunio

Præsta nobis, quæsumus, Dómine: intercedéntibus sanctis Martíribus tuis Maríno et Aniano; ut, quod ore contíngimus, pura mente capiámus. Per Dóminum.

Pro S. Gertrude Postcommunio
Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus sollémnia celebrámus. Per Dóminum.

Die 16 Novembris

Beati Alberti Magni Ep. et Conf.

Duplex

Missa Státuit, de Comuni Confessoris Pontificis 1 loco, præter Orationem sequentem:

Oratio

Deus, qui nobis æternæ salutis beátum Albértum Episcopum místrum tribuísti: præsta, quæsumus; ut, quem doctórem vitæ habúimus in terris, intercessórem habére mereámur in cælis. Per Dóminum nostrum.

Secreta

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Albérto Confessore tuo atque Pontífice, benefícia potióra sumámus. Per Dóminum.

Die 20 Novembris

In Translatione S. Corbiniani

Ep. et Conf.

Patroni principalis Archidiocesis

Duplex I cl. cum Octava communi

Introitus

Eccli 45, 30

Státuit ei Dóminus testaméntum pacis, et príncipem fecit eum: ut sit illi sacerdotii dignitas in ætérnum. (T. P. Allelúja, allelúja.)
Ps. 131, 1 Meménto, Dómine, David: et omnis mansuetúdinis ejus.

V. Glória Patri.

Oratio

Deus, qui nos beáti Corbiniani Confessoris tui atque Pontíficis prædicatióne et miráculis ad agnitióne tui nóminis vocáre dignátus es: concéde propítius; ut, cujus translatióne (commemoratióne) cólimus, étiam patrocínia sentiámus. Per Dóminum.

In Missis privatis fit Commemoratio S. Felicis de Valois Confessoris (ut in Missali hac die):

Oratio

Deus, qui beátum Felícem Confessórem tuum ex erémo ad munus rediméndi captívos cælitus vocáre dignátus es: præsta, quæsumus; ut per grátiam tuam ex peccatórum nostrórum captivité, ejus intercessióne, liberáti, ad cælestem pátriam perducámur. Per Dóminum nostrum.

Léctio libri Sapiéntiæ

Eccli. 44, 16-27 et 45, 3-20

Ecce sacerdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus, et offerre illi incénsus dignum in odórem suavitátis.

Graduale Eccli. 44, 16 Ecce sacerdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúja, allelúja. **V. Ps. 109, 4** Tu es sacerdos in ætérnum, se-

cúndum órđinem Melchisedech. Allelúja.

In Missis votivis

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiae in domo ejus: et justítia ejus manet in sáeculum sáeculi.

Tempore Paschali omittitur Graduale, et ejus loco dicitur:

Allelúja, allelúja. **V. Ps. 109, 4** Tu es sacerdos in ætérnum, secúndum órđinem Melchisedech. Allelúja. **V.** Hic est sacerdos, quem coronávit Dóminus. Allelúja.



Sequéntia sancti Evangélii secúndum Matthæum

Matth. 25, 14-23

In illo témpore: Dixit Jesus discípulis suis parábolam hanc: Homo péregre proficíscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuique secúndum própriam virtútem, et proféctus est statim. Abiit autem, qui quinque talénta accéperat, et operátus est in eis, et lucrátus est ália quinque. Simíliter et, qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniam dómini sui. Post multum vero témporis venit dóminus servórum illórum, et pósuit ratiónerum cum eis. Et accédens qui quinque talénta accéperat, obtulit ália quinque talénta, dicens: Dómine, quinque ta-

lenta tradidisti mihi, ecce, alia quinque superlucratum sum. Ait illi dominus ejus: Euge, serve bone et fidelis, quia super pauca fuisti fidelis, super multa te constituam: intra in gaudium domini tui. Accessit autem et qui duo talenta acceperat, et ait: Domine, duo talenta tradidisti mihi, ecce, alia duo lucratus sum. Ait illi dominus ejus: Euge, serve bone et fidelis, quia super pauca fuisti fidelis, super multa te constituam: intra in gaudium domini tui.

Et dicitur Credo, etiam per totam Octavam.

Offertorium Ps. 88, 21-22 Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum. (T. P. Allelúja.)

Secreta

Sancti tui, quæsumus, Domine, nos ubique lætificent: ut, dum eorum mérita recólimus, patrocínia sentiámus. Per Dóminum.

Pro S. Felice Secreta

Præsta nobis, quæsumus, omnipotens Deus: ut nostræ humilitátis oblátio et pro tuórum tibi grata sit honóre Sanctórum, et nos

córpore páriter et mente puríficet. Per Dóminum.

Communio Luc. 12, 42 Fidelis servus et prudens, quem constituit dominus super familiam suam: ut det illis in tempore tritici mensuram. (T. P. Allelúja.)

Postcommunio

Præsta, quæsumus, omnipotens Deus: ut, de percéptis munéribus grátias exhibéntes, intercedente beáto Corbiniano Confessóre tuo atque Pontífice, benefícia potióra sumámus. Per Dóminum.

Pro S. Felice Postcommunio

Quæsumus, omnipotens Deus: ut, qui cælestia aliménta percépinus, intercedente beáto Felíce Confessóre tuo, per hæc contra ómnia advérsa muniámur. Per Dóminum.

Infra Octavam fit Commemoratio S. Corbiniani Ep. et Conf., juxta Rubricas.

Die 27 Novembris
In Octava Translationis
S. Corbiniani Ep. et Conf.

Duplex majus

Missa ut in Festo 29*.



Index alphabeticus

	pag.		pag.
Adelaidis Imp., Vid., semiduplex. 19 Decembris	1*	<i>Tronengardis, Virg. 17 Julii</i>	22a*
Afræ Mart., duplex. 9 Augusti	22*	Georgii Mart., duplex majus. 24 Aprilis	12*
Alberti Magni Ep. et Conf., duplex. 16 Novembris	29*	Godehardi Ep. et Conf., Commemoratio. 4 Maji	14*
Alexandri I Papæ, Mart., Patroni minus principalis Civ. Fris., ac Eventii et Theoduli Mm., duplex majus. 13 Maji	14*	Henrici Imp., Conf., duplex majus. 15 Julii	22*
Altonis Abbatis, duplex. 9 Februarii	4*	Joannis Nepomuceni Mart., duplex majus. 16 Maji	15*
Barbaræ Virg. et Mart., duplex. 4 Decembris	1*	Justini Presbyt. et Mart., duplex. 11 Augusti	23*
Bathonis Conf. Commemoratio. 31 Julii	22*	Juvenalis Ep. et Conf., Commemoratio. 3 Maji	13*
Bennonis Ep. et Conf., Patroni Baviariæ et Patroni principalis Civitatis Archiepiscopalis, duplex II classis; in Civitate Archiepiscopali duplex I classis cum Octava communi. 16 Junii	17*	Lantperti Ep. et Conf., duplex. 18 Septembris	26*
— — II-VII die infra Octavam, semiduplex. 17-22 Junii	18*	Laurentii a Brundusio Conf., Commemoratio. 22 Julii	22*
— — Octava, duplex majus. 23 Junii	18*	Leonardi Abbatis, duplex. 6 Novembris	28*
Bonifatii Ep. et Mart., duplex II classis. 5 Junii	16*	Lucæ Evangelistæ. 18 Octobris	28*
Castuli Mart. Commemoratio. 26 Martii	8*	Magni Abbatis, duplex. 6 Septembris	25*
Chiliani Ep. et Soc. Mm., Commemoratio. 8 Julii	19*	Mariæ B. V., Conceptio Immaculata, Titularis Ecclesiæ Metropolitane, duplex I classis cum Octava com- muni. 8 Decembris	1*
Clementis Mariæ Hofbauer Conf., duplex majus. 15 Mart.	7*	— — Patronæ Baviariæ, duplex I classis cum Octava com- muni. Sabbato primo mensis Maji <i>necces Formular</i>	12* 12a*
Corbiniani Ep. et Conf., Patroni principalis Archidiececesis, Translatio, duplex I classis cum Octava communi. 20 Novembris	29*	Marini Ep. et Aniani Mm., duplex. 15 Novembris	28*
— — Octava, duplex majus. 27 Novembris	31*	Mathildis Viduæ, duplex. 14 Martii	7*
— — Dies propr., duplex II classis. 9 Septembris	21*	Maximiliani Ep. et Mart., duplex. 12 Octobris	28*
Crescentiæ Höss Virg., duplex. 5 Aprilis	10*	Nonnosi Abbatis, Patroni minus principalis Archidiececesis, duplex majus. 2 Septembris	24*
Cunigundis Imp., Virg., duplex. 3 Martii	6*	Nothburgæ Virginis, duplex. 13 Septembris	26*
Dedicatio Ecclesiæ Metrop., duplex I classis cum Octava communi. 14 Aprilis	11*	Ottonis Ep. et Conf., duplex. 11 Julii	20*
— — II-VII die infra Octavam, semiduplex. 15-20 Aprilis	11*	Petri Canisii Conf. et Eccl. Doct., duplex II classis. 27 Aprilis	12*
— — Octava, duplex majus. 21 Aprilis	11*	Reliquiarum sacrarum, quæ in Ecclesiis Archidiececesis as- servantur, duplex majus. 5 Novembris	28*
Dedicatio propriæ Ecclesiæ, duplex I classis cum Octava communi. 11 Octobris	27*	Ruperti Ep. et Conf., duplex. 27 Martii	8*
Dorotheæ Virg. et Mart., Commemoratio. 6 Februarii	4*	Severini Abbatis, duplex. 19 Januarii	2*
Elisabeth Regina, Viduæ duplex. 8 Julii	19*	Sigismundi Regis, Mart., Patroni minus principalis Archi- diecesis, duplex majus. 11 Maji	14*
Emmerami Ep. et Mart., semiduplex. 25 Septembris	26*	Udalrici Ep. et Conf., duplex. 4 Julii	19*
Erhardi Ep. et Conf., Commemoratio. 8 Januarii	1*	Valentini Ep. et Conf., semiduplex. 28 Januarii	3*
Floriani Mart. Commemoratio. 5 Maji	14*	Walburgæ Virg., duplex. 25 vel 26 Februarii	5*
Galli Abbatis, duplex. 16 Octobris	28*	Willibaldi Ep. et Conf., semiduplex. 9 Julii	19*
<i>S. Hildegardis</i>	32*	Wolfgangi Ep. et Conf., duplex. 31 Octobris	28*
		Zenonis Ep. et Mart., semiduplex. 12 Aprilis	11*

Approbatio

Concordat cum Originalibus.
Monachii, die 14 Aprilis 1928

M. Dunstmair Vic. Gen.

Imprimatur.

Ratisbonæ, die 17 Aprilis 1928

Dr. Höcht Vic. Gen.

Die 17 Septembris

S. HILDEGARDIS VIRGINIS

Duplex

Introitus Ps. 72, 28

Mihi autem adhærere Deo bonum est, pónere in Dómino spem meam: ut annúntiem omnes prædicationes tuas in portis fíliæ Sion. **Ps. 40, 13** Me autem propter innocéntiam suscepísti: et confirmásti me in conspéctu tuo in ætérnum. **V.** Glória Patri.

Oratio

Deus, qui beátam Hildegárdem Virginem tuam donis cæléstibus decorásti: tribue, quæsumus; ut, ejus vestigiis et documéntis insisténtes, a præsentis sæculi calígine ad lucem tuam delectábilem transíre mereámur. Per Dóminum nostrum.

Et fit Com. Impressionis Ss. Stigmatum S. Francisci Conf.:

Oratio

Dómine Jesu Christe, qui, frigescente mundo, ad inflammándum corda nostra tui amóris igne, in carne beatíssimi Francísci passiónis tuæ sacra Stigmata renovásti: concéde propítius; ut ejus méritis et précibus crucem júgiter ferámus, et dignos fructus pœnitentiæ faciámus: Qui vivis.

Lectio Epístolæ beáti Pauli Apóstoli ad Corínthios **1 Cor. 1, 26-29**

Vidéte vocatiónem vestram, fratres, quia non multi sapiéntes secúndum carnem, non multi poténtes, non multi nóbiles: sed quæ stulta sunt mun-

di elégit Deus, ut confúndat sapiéntes: et infirma mundi elégit Deus, ut confúndat fórtia: et ignobília mundi et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu ejus.

Graduale Cantic. 3, 4 et 6, 2 Inveni quem díligit ánima mea: ténui eum, nec dimíttam. **V.** Ego dilécto meo, et diléctus meus mihi, qui páscitur inter lília.

Allelúja, allelúja. **V. Isai. 61, 10** Exsultábit ánima mea in Deo meo, quia índuit me vestiméntis salútis, quasi sponsam ornátam monílibus suis. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Sap. 4, 1-3 O quam pulchra est casta generátio cum claritáte: immortalis est enim memória illíus, quóniam et apud Deum nota est, et apud hómines. **V.** Cum præsens est, imitántur illam, et desíderant eam, cum se edúxerit. **V.** Et in perpétuum coronáta triúmphant, incoinquinatórum certáminum præmia vincens.

Tempore Paschali omittitur Graduale, et ejus loco dicitur:

Allelúja, allelúja. **V. Ps. 30, 22** Benedictus Dóminus: quóniam mirificávit misericórdiam suam mihi in civitáte muníta. Allelúja. **V. Prov. 4, 9** Lætáre, mater nostra, quia dabit Dóminus cápiti tuo augménta gratiárum, et coroná inclýta próteget te. Allelúja.

+ Sequéntia sancti Evangélii secúndum Mattháeum

Matth. 25, 1-13

In illo témpore: Dixit Jesus discíplis suis parábolam hanc: Símile erit regnum cælórum decem virgínibus: quæ, accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Móram autem faciénte sponso, dormitáverunt omnes et dormiérunt. Média autem nocte clamor factus est: Ecce, sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non suffíciat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuá. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, nescio vos. Vigiláte itaque, quia nescítis diem neque horam.

Offertorium Ps. 41, 2 et 3 Quemádmódu-
m desíderat cervus ad fontes aquá-
rum, ita desíderat ánima mea ad te,

Deus. Sitívit ánima mea ad Deum for-
tem vivum.

Secreta

Sanctæ Hildegárdis Vírginis tuæ festa
recoléntes, preces offérimus et hó-
stias immolámus: præsta, quæsumus,
Dómine; ut, cum præsidio temporáli,
vitæ nobis præbeant increménta per-
pétuæ. Per Dóminum nostrum.

**Pro Impressione Ss. Stigmatum S. Fran-
cisci**

Secreta

Múnera tibi, Dómine, dicáta sanc-
tífica: et, intercedénte beáto Fran-
cisco, ab omni nos culpárum labe purí-
fica. Per Dóminum nostrum.

Communio Philipp. 1, 20 et 21 Mag-
nificábitur Christus in córpore meo, sive
per vitam, sive per mortem: mihi enim
vívere Christus est, et mori lucrum.

Postcommunio

Perpétuo, Dómine, favóre proséquare,
quos réficus divíno mystério: et
quos imbuísti cælestibus institútis; eós-
dem, intercedénte beáta Hildegárde
Vírgine tua, salutáribus comitáre solá-
tiis. Per Dóminum nostrum.

**Pro Impressione Ss. Stigmatum S. Fran-
cisci**

Postcommunio

Deus, qui mira Crucis mystéria in
beáto Francisco Confessóre tuo
multifórmiter demonstrásti: da nobis,
quæsumus; devotiónis suæ semper
exémpla sectári, et assídua ejúsdem
Crucis meditatióne muníri. Per Dómi-
num nostrum.

Concordat cum originali.

Wratislaviæ, die 29 Martii 1940

A. CARD. BERTRAM
Archieppus Wratislavien.

IMPRIMATUR.

Ratisbonæ, die 3 Aprilis 1940

v. n.

DR. DOEBERL